



Nicasius Mechliniæ in Brabantia natus est. hic ab anno tertio ætatis oculis captus, & ob id elemētorum literarū penitus ignarus fuit. Is tamē postea sese alterum Dydimum Alexandrinum exhibuit, dū in omni doctrina diuina & humana doctissimus euaserit. Nam primò Louanium profectus, Doctores magna attentione audiuit, atq; audita memoriæ commendauit. Itaq; solerti meditatione & collatione adeò profecit, ut Magistrorum gradum ibidem acceperit. postea aliquandiu Mechliniæ scholis præfuit. Inde Louanium reuersus Theologiæ Licentiatus constituitur, atq; Apostolica dispensatione sacerdos ordinatur. Vnde publi-

cè concionatus est, atq; cæcus Euangeliū recitauit. Postremò sese Coloniā cōtulit, atq; in ea Academiā omniū cōsensu Iuris Canonici Doctor, & legū Imperialiū interpretatus creatus est. Vnde in gymnasio Coloniensi publicè iura docuit, atq; libros utriusq; iuris, quos nunq; uidit, memoriæ recitauit, magna audientium corona. Edidit ibidē lib. 4. super Institutis, quos auditores inter legēdū ex ceperant. præterea explicationes super Sentētijs, cū varijs quæstionib. & sermonibus. Tandē cū magna laude Colonię iuuentutē instituisset, ibidem moritur, ac in maiori Ecclesia sepelitur, 7 calend. Septemb. anno 1492. Trit.